



# Правда коммунист

В Л К С М  
Маробком  
ден  
Иошкар-  
Ола  
Горком  
орган

## С. М. Киров — мемнан партийын ик эн преданный эргыже

Куд ий ожно, 1934 ий 1 декабрьште полый контрреволюционный троцкистско-зиновьевский-бухаринский банды предательский кидше дене коммунистический партийын замечательный эргыже, пенгыде да чуткий большевик, пламенный трибун Сергей Миронович Киров йолташ колыш.

Киров йолташ пүтын шке волгыдо илышыжым калыклан пуэн, коммунизмын пашажлан пуэн. Сибирьште, Владикавказште, Астраханьште, Бакушто, Ленинградште—подпольный пашаште, гражданский войнан фронтлаштыже, азербайджанский, а варажым ленинградский партийный организационный руководителыме ийлаште, ВКП(б) ЦК секретарь постышто Сергей Миронович Киров коммунизм знамям куш вблтен, коммунизм знамя йыр шемер калыкым чумырен толмаште пенгыдын кучедалын, партийын, шемер калыкын тушманжешамыч вастареш непримиримо кучедалыш лийын кодын.


Киров йолташ партийын эрелыкше верч чот кучедалын, партийын пашажлан чот ушанен. „Чумыр мемнан партийный илышнам,—ойлен Киров йолташ,—туге ышташ кўлеш, чтобы мемнан большевистский куатнам ленинский учеба дене пенгыдемдаш, кушто живой революционный практика марксизм—ленинизм теорий дене ушалтеш. Тунам ме ончыкшым ыштышаш чыла пашаштат мемнан партийын основоположикше Ленинны действительно настоящий последовательше-шамыч, партийын достойный членже-шамыч лийына, кудышт партийын, Ленинны великий пашажын великий продолжательше Сталин йолташын вуйлатыме Центральный Комитетын руководителыме дене ончыко пенгыдын каят“.

Партийын генеральный линийже, кудым шуктышаш верч Киров йолташ тыге страстно кучедалын, решающий сенымашым ыштен. С. М. Кировым подло пуштмаш жап деч вара эртыше куд ий пеш поян исторический содержания дене темалтын. Кокымшо сталинский пятилеткым сенымаш дене завершитлен, Советский эл кумышо сталинский пятилеткын грандиозный планжым успешно шуктен толеш.

Мемнан элысе да чыла тўнясе шемер-шамычын шўмышт великий скорбь дене, калыкын кум пачаш презренный тушманже-шамыч дек пеш шыде гнев да кугу ненависть дене темынт. Мемнан партийын руководителыме советский калык троцкистско-бухаринский контрреволюционный пыжашым разгромитлен.

Великий революционерын, кристалльно яндар большевикын, пламенный трибун С. М. Кировын волгыдо образше ончыкылык поколенийын шўмыштыжо да шарымашыштыже кеч кувамат илаш тўналеш. Пүтын мемнан партий, чыла советский калык А. А. Ждановын мутшо дене оила:

„Паша, кудын верч Киров кучедалын, мемнан героический шуко миллионан калыкын да великий Сталинын пенгыде кидыштышт улеш“.



Снимкыште: И. В. Сталин, К. Е. Ворошилов да С. М. Киров йолташ-шамыч Мурманск оласе ГЭС сруительствыште. 1933 ий.

Художник А. М. Любимовын сўретше.

Фото Н. Черных (Фото-клише ТАСС).

## ВКП(б) ЦК И. В. СТАЛИН йолташлан СССР СНК В. М. МОЛОТОВ йолташлан

1940 ий 25 ноябрьште чыла областлаште, крайлаште да республикылаште Ремесленный, Железнодорожный училищылашке да Фабрично-Заводской Обучений школлашке оласе ден колхозысо молодежи призыватлымаш пытен. Городской, областной, краевой да республиканский Трудовой Резерв Управлений-шамычын увертарымышт почеш Ремесленный, Железнодорожный училищылашке да Фабрично-Заводской Обучений школлашке чылаже 601 тўжем 278 еным призыватлымаш, тиде шотышто Ремесленный училищылашке—307 тўжем 962 еным, Железнодорожный училищылашке—36 тўжем 589 еным да Фабрично-Заводской Обучений школлашке—256 тўжем 827 еным.

Призыватлымаш оласе ден колхозысо молодежи Ремесленный, Железнодорожный училищылашке да Фабрично-Заводской Обучений школлашке пураш кугун тыршымышыже дене сопроводжатлатын. Призыватлымаш жапыште Ремесленный, Железнодорожный училищылашке да ФЗО школлашке налме нерген йодмаш дене молодежь деч 1 миллион 100 тўжем заявлений призывной комиссийлашке пуымо.

СССР СНК полense Трудовой Резерв-шамыч Главный Управленийын начальникше П. МОСКАТОВ.

## Комсомолец-шамычын заочный лыжный соревнованийышт

Карело-Финский Союзный республикысе комсомолец-шамыч декабрьште заочный лыжный соревнованиям эртарашлан Горьковский, Молотовский, Архангельский областлаше комсомолец-шамыч деке открытий письмам возынт. Соревнованийын условияже: соревноватлымаште первый верым тудо комсомольский организаций налеш, кудо ГТО значоклан нормым сдалымашке комсомолец-шамычым утларак шушеш. Соревнований 20 декабрь гыч 1 январь марте эртаралтеш.

Горьковский, Архангельский да Молотовский областлаше комсомольский организаций-шамыч Карело-Финский Союзный республикысе комсомольский организацийын ўжмашыжым приматлен, кызыт заочный лыжный соревнованиям эртараш вяян ямдылатт.

Заочный лыжный соревнований мемнан республикыштат эртаралтеш. ВЛКСМ обком да физкультура ден спортын республиканский комитет шукерте оыл районный комсомольский ден физкультурный организацийлаш заочный лыжный соревнованиям эртараш ямдылатме нерген письмам возынт. Тиде письма почеш верлаште заочный лыжный соревнованиям эртарашлан ямдылатмашке чыла комсомолец-шамычым мобилизоватлыман.

## ЯЛ ОЗАНЛЫК ВЫСТАВКЫШ ДОСТОЙНЫЙ КАНДИДАТ-ШАМЫЧЫМ ОЙЫРЫМАН

1939 ийыште В. М. Молотов йолташ Всесоюзный ял озанлык выставкым почмыжо годым тыгай пожеланийым каласен: „... республика, край, область да район-шамыч коклаште, колхоз, МТС да совхоз-шамыч коклаште ял озанлык выставкыште участвоватлашлан правам налшаш верч социалистический соревнованийым кузе гынат утларак кумдам шараш кўлеш...“

Советский правительствын главахым пожеланийже колхозник-шамыч коклаште, ял озанлыкын организаторжо ден руководителыже-шамыч коклаште кумда откликым муын.

Тений Марийский республикысе 1.848 колхоз-шамыч 1941 ийысе Всесоюзный ял озанлык выставкыште участвоватлашаш верч соревноватлат. Соревнованийыште ятыр колхоз-шамыч чапле результатым ончыктенет. „Двигатель революций“ колхоз (Иошкар-Олинский район) кажне гектар гыч 147 пудым, орденоносный „Смена“ колхоз (Горно-Марийский район) кажне гектар гыч 128 пудым да 300 колхоз кажне гектар гыч 100 пуд пырчан шурным налын.

Мемнан республика гыч выставкыште участвоватлыше-шамыч кажне ийын ешаралтыт.

Ронгинский районшто ончыл колхоз, колхозник да тракторист шамыч дене йодмаш-шамычым оформитлат. Таче кечылан Ронгинский район гыч ял озанлык выставкын группышкыжо 105 йодмаш пурен. Горно-Марийский район гыч 103 йодмаш пурен.

Но республикысе посна район-шамыч выставкылан ямдылатме шотышто пашам пеш начарын ыштат, тиде район гыч выставкын группышкыжо ик йодмашат пурен оыл. А район мучко пашан чапле опытыштым ончыктышо ончыл колхоз, бригада, звено, колхозник да тракторист-шамыч ятыр улут. Тыгак Сотнурский, Килемарский районла гыч ик йодмашат пурен оыл.

1941 ийысе Всесоюзный ял озанлык выставкылан сайын ямдылат шумаште ВЛКСМ райком, первичный комсомольский организаций-шамыч колхоз да районный земельный орган шамычлан практический полнам обяан улут.



# КИРОВ ИЛЫМЕ КВАРТИРЫШТЕ

...Баку умбалне тул ужа-ра волгалтын. Нугыдо шикш промысел-шамыч умбаке шем пылла кечалтын. Нефть йула! Кидным ужмыла кушко нолталше енын чурыйжым йошкар тул-йолкын волгалгара. Тиде Сергей Миронович Киров, Азербайджаньсе коммунистический партий ЦК-н секретарьже. Тудо шкенжын примерже дене нефтяник да пожарник-шамычын талышныше энгек вастареш кучедалмашке кумылыштым волташлан промыслышке толын.

— Кеч кузе гынат калыкын пояныкшым арален кодаш! — ужеш Киров.

Да ең-шамыч, шке илышшым чаманыде, туллау корным авырен, йулышскважина-шамыч деке пурат.

Калыкын йоратымыжын, мондаш лидыме Сергей Мироновичын илышыже гыч тиде волноватлыше эпизод нерген художник Семеновын суретше рашак ойла. Тиде сурет, великий Сталинын чапле соратникше С. М. Кировын Бакушто пашам ыштымыш годым 1921 ий гыч 1926 ий марте илыме квартирыште кеча. Кызыт тыште музей.

...Пожарым йортевыт. Киров тидын нерген партийн Закавказский краевой комитетшылан телеграмма дене увертарен:

Газовый фонтаным йортымаш капиталист-шамычлан ыштен кертдымаш паша ыле, но бакинский пролетариат тиде подвигом кум кечыште ыштен шуктыш.

Сергей Мироновичын мондаш лидыме илышыже нерген рашак шарныктарыше музейыште волноватлыде шоген от керт. Киров тыште калыкын пиалжылан илен, пашам ыштен, тыршен. Йоратен погымод документ - шамыч большевикын волгыдо илышыже нерген оялат. Пырдыжлаште кечыше снимок, суретшамыч Сережа Костриковын йоча годсо да самырык годсо ийлажым шарныктат. Теве Ленинын книгаже-шамычын оралгыше переплетышт. Сережа Костриков эше самырык улмыжо годым Ленинн произведенийже-шамыч дене палыме лийын, да нуно революционерн—большевикын пүтнэ илышыже мучкылан палым ыштен коденыт, нуно тудын түрлө могыран деятельностьыштыжо кеч кунамат спутник лийыныт.

Пырдыжыште 1912 ий 3 ноябрьыште датироватлыме владикавказский "Терек" газетын листе кеча. Тыште "С. Киров" псевдоним дене подписатлыман Костриковын первый статьяже печетлалтын. Тиде "Простота нравов" вуймуган статьяште Сергей Миронович IV Государственный думым разоблачитла.

Вес комнатышке пурена. Тыште погымод материалшамыч Кировын граждан-

ский войнан ответственный участкылаше пашаже нерген оялат. Волевой большевик, у тидан замечательный военный руководитель-шамыч кокла гыч иктыже, партийын заданийжым тудопеш чаплын шукта. Астрахань гыч тудо бакинский

огыл, но чылтак угыч пужен ышталтын. Кид дене пролымашым механический васталтен, да нефть лукомо чыла процессат механизироватлалтын. Сергей Мироновичын инициативыж дене Баби-Эйбатский бухтым урымаште кугу паша ыш-

икмыняр брошюра-шамыч, шуко палым ыштыман блокнот-шамыч. Кабинетыште "Бакинский рабочий", "Заря Востока" газеташамычын тошто номерышт улыт. Тушто бакинский нефтяник-шамыч, Сергей Мироновичым Ленин-



С. М. КИРОВ ВКП(б)-ын 17-шэ с'ездыштыже.

пашазе-шамыч дене пенгыде кыл кучымашым ышта, тиде кыл кучымаш Сергей Мироновичын илышыжын пытартыш кечыже мартеат курылтын огыл.

Колызо-шамычын баркасешышт Киров Бакушко большевик-шамычым, большевистский литературым колта. Тудын йодмыжо почеш бакинский нефтяник-шамыч тыгай пуш-шамыч денак Йошкар Армилян Астраханьышке советский машина-шамычлан горючийым нелегально колтат.

... 1920 ий 28 апрельысе исторический кече. Баку ставдийыште первый йошкар бронепоезд шога. Тудын умбалныже Орджоникидзе, Киров, Микоян. Нуно утарыме нефть олашке за первый пуреныт. Киров йолташ тиде знаменательный кече нерген ойлен:

— Йолташ-шамыч! Кече лекмаш велысе эл-шамыч деке нагтайше омса-шамыч воктен 27 апрельыште лач пелйудым событий лие, кудын деч шуйын пытыше буржуазный капиталистический тувян системыже у ударым да у сенымашым чытен. Тиде событий тушто улеш: беко-ханский иго йумалне ындыралтше Азербайджан великий советский эл дене—пашазе-кресаньык Россия дене—иктыш ушныш...

Тиде кече деч вара вашке Азербайджаньсе большевикшамыч (1921 ий июлышто) Сергей Мироновичым шкенжыштын руководителышлан сайлат. Кировын тиде постышто вич ий ыштымыже годым чылт чудеса-шамыч ышталтыныт. Тудын вуйлатымыже дене нефтяной промышленность восставаиватлалтын велэ

талтын. Тудын пувдашыже гыч, кызыт Азербайджаньык эл утларак поян нефтьпромыселже лийше, у нефтяной промысел кушкеш.

Сергей Миронович, пашазе-шамычын погынымаштышт чучкыдынак выступатымыш годым, нефтяник-шамычым кажне килограм нефть верч самоотверженно кучедалаш, эллан кузе гынат горючийым шукурал лукташ ужеш.

— Мемнан нефтьяна кажне пудшо, вообще ойлываште, нефть дене велэ огыл ушла, — тудо элэ большевизм дене, пролетарский диктатурын чоткы дилыкшо да пенгыдылыкше дене ушла, — ойлен Киров.

Сергей Мироновичын нине мушто-шамычым бакинский нефтяник-шамыч нигу намот огыл мондо да кажне ийын шкенжыштын производственный сенымашыштым кугемдат.

Вес комната — кабинет, тыште Киров пашам ыштен. Теве ужар сукно деве леведме письменный устелже, кресложо. Вастарешыже—книга опымо шкаф, ордышто сонарзын узгарыштым опымо изи гына шкаф. Теве Кировын гардеробшо. Вурс тусан костюм, фуражка, волгыдо курен плащ. Тудын умбалныже шем тамга-шамыч. Тиде нефть. Тиде плащ промысел-шамыч гыч тока гына савырнен толшо Кировын ваче умбачше намыла велэ чучеш.

Тиде кабинетыште чылажат замечательный большевик нерген шарныкта. Книжный шкафыште Кировын илышыжын постоянный спутникше-шамыч — Марксын, Энгельсын, Ленинын, Сталинын книгашт. Туштат комсомол нерген

градышке паша ышташ назначилыме почеш, Ленинградский коммунист-шамычлан письмам возат. Письмаште бакинец шамычын шке йоратымыштлан ыштыме шокшо дружеский ужатымаш нерген оялалтеш.

Квартирысе пытартыш комната—Кировын библиотекеже. Тыште Сергей Миронович ятыр жап книга-шамычым лудын шинчен. Тыште тудо пашазе-шамыч дене, партийный активист-шамыч дене кутырен, нунылан книга, тунеммаш, большевизмын историйже дене овладеватлымаш деке йоратымашым прививатлен... Кызыт тиде комнатыште траурный знамя, суретшамыч, нуно 1934 ий 1 декабрьысе шуко кечым шарныктат. Тиде кечын, троцкистско-бухаринский банда колтымшо шакше убийда калыкын ала кумылжо деве йоратымыжым, шкенжын шумжым, разумжым калыклан пушо Кировым пуштын. Зверьяныше убийца-шамыч деке—троцкист, зинovieвец, бухарец-шамыч деке ненависть шумым иша...

Музейым почмылан вашке кок ий шуэш. Тиде жапыште тыште Советский Союзын пеш шуко түрлө олаже да яллаже гыч экскурсант-шамыч лиеденыт.

Бакинский квартира-музейыште раш ончыктым Кировын образше мемнан молодежым калыкын пиалже верч кучедалаш, тушман деке, шке чурыйжым кеч кузе васталташ точыш тушман деке беспощадный лияш ужеш.

П. Гельбах.

Баку.

## С. М. Кировын речыше ден докладше-шамыч гыч

...Международный пашазе движенийлан Маркс, Энгельс, Ленин деч Сталин могай куатле оружийым пуэзыт, тидым ме эше сайрак, эше рашырак умылышаш улына. Марксизм-ленинизм — тиде действительно настоящий да единственный наука, кудо шемер-шамычым шкенжын тушманже-шамычым сенаш тунукта. Тудым овладедыде, мировой революцийым победно ышташ оклий. Но ме вэт тендан дене тудо партийыште кучыкына да воспитыватлалтына, кудо кызыт Коммунистический Интернационалын руководящий вийже улеш, кудым ленинец шамыч гыч величайший — Сталин йолташ руководитла, ме уло туняште коммунизмын сенымашыкыже шуашлан марксизм-ленинизм теорийым кучылт кертыва (1934 ий 10 октябрьыште ВКП(б) Ленинградский областной ден городской комитетшамычын пленумыштышт речы гыч).

\* \* \*

Мемнан пеш кугу партийный организмын чыла звенолашкыже, мемнан пеш кугу советский аппаратын чыла звенолашкыже ленинизмын принципше-шамычым мыняр пенгыдынрак, мыняр кумданрак пуртен шогаш тунгалына, социализмын позицийже-шамычым пенгыдемдыме да кумдандыме шотышто мемнан движенийна ончык тунар пенгыдын, тунар ушанлын кая (1931 ий 12 декабрьыште 1 Ленинградский городской партконференцийыште доклад гыч).

\* \* \*

Таче огыл гыч, эрла Европысо, Америкысе, Ближний ден Дальний Востокусо чыла пашазе-шамыч йоршыналан умлат, что мемнан великий Советский Союз—шмер-шамычын единственный отечествыже, что тиде человечествын ала гунамсе мечтажгай мотор, социальный утопий огыл, а практикыште, реальный илышыште социализмын ыштыше эл. Да чыла тиде пеш кугу социалистический стройка, мланде валын ик кудымшо ужашешыже нолталалтше чыла тиде гигантский организм лач тудлан тыгай кугу, тыгай пенгыде, тудлан тудо чыла мемнан тушманна-шамычлан тыгай пудыртал лидыме вийым представляла, что чумыр мемнан пашана, чумыр мемнан стройкына прочный да йоршынак незыблемый стальной оправыште улеш, кудо мемнан великий Ленинский Коммунистический партий маналтеш (1932 ий 8 октябрьыште ВКП(б) ЦК-н сентябрьский пленумын итогшо - шамыч нерген доклад гыч).



# ЯЛ ОЗАНЛЫКЫМ ОНЧЫКЫЖАТ ПЕНГЫДЕМДЫШАШ ВЕРЧ

## Каже колхозышто правильный севооборотым ышташ

Сталин йолташ ВПК(б) XVIII с'ездыште ыштыме отчетный докладыштыже севооборот нерген тыге каласен: „Мемнан дене чыла культура шотыштат да эн



овчычак—кормовой, технический ден огороднобахчевой культура-шамыч линий дене удымб площадь кушкын.

Тиде значит, мемнан земледелий утларак квалифицированный да продуктивный лийын шога, а правильный севооборотым пуртымаш шке йумаланже реальный почвм налеш.

Колхозлаште правильный севооборотым шуктен толмаш—почвм утларак, пло-

дородныйым ышта, шурно лектышым нблалаш да кушкын шогышо социалистический животноводствылан пентгыде кормовой базым создаватла. Правильный севооборотым шуктымаш паша дене эн ондак агроном-шамыч заниматлышаш улыт. А агроном-шамычын задачишт—социалистический земледелийште большевистский порядком ышташ.

Тений, мемнан Ронгинский районышто план почеш 66 колхозлаште землеустройством эртарыман ыле, а мыланем 26 колхозышто эртараш вереште. Тиде пашам тыгерак ыштен толынам: эн ондак, колхозыш миймек, активым шке йырем чумыренам, колхозын чыла угодийжым натура дене сайын пелен валаш тыршенам. Мый чыла даныйым налмеке, агрооснованийым составитлевам. Государственный план почеш каже культурылан кунар площадь кумым шотленам. Олык укеан колхозлаште тун пасусо севооборот деч посна кормовой севооборотым пуртымо. Колхозник-шамычын келшымышт да шотлен лукмо почеш севооборотышто культура чередоватлымышым установитлыме. Южо колхозлаште пасусо севооборот деч

посна луговой, лугово-пастбищный, овощной севооборотым установитлыме.

„Передовик“ колхозышто тун шотышто 9 пасуан севооборотым ыштыме, тиде посна шым пасуан кормовой, овощной да лугово-пастбищный севооборотым пуртымо. Ондакше тиде колхозышто севооборот шотышто нимогай шотым муаш склий ыле. Тений чыла культурымат севооборот почеш удымб.

Севооборотым пуртымыш планым эртарен теменам.

Мемнан ончыкылык задачи: установитлыме севооборот-шамычын вончымыш эреак контролироватлаш. Тиде сенымаш-шамычеш шогалман огыл, шушам ийыште районысо каже колхозлаште правильный севооборотым ыштен шуктыман. Районысо комсомольский организаци-шамыч правильный севооборотым пуртымаште кугун полшышаш улыт. Земледелийште большевистский порядок верч кучедалына гын велз, зерновой проблемым успешно разрешитлен, каже ийын 8 миллиард пуд киядым налын кертыва.

К. Мошкина,

Ронгинский район агрономжо, комсомолка.

## ШОШО АГАМ УСПЕШНО ЗАВЕРШИТЛЕНА

Шошо агам успешно да кучык жапыште завершитлымаш—тудлан шке жапыште ямдылалт шумаш деч ятыр зависитла. Сад-



лан ме шошо агалан большевистски ямдылалташ тунгалына. Район мучко чыла культура денат улыкашым турс ямдылыме. Посна колхозлаште улыкашым сортироватлаш, ял озанлык машинам да инвентарыым ремонттироватлаш тунгалме. Тиде пашаште комсомольский органи-

заций-шамыч активно участвоватлат.

„Новая жизнь“ колхозышто тырма ден сеялка-шамычым турс ремонттироватлыме. Тиде кечылаште улыкашым сортироватлен пытарат. Комсомолка Свирина йолташ сортироватлымаште пашам сайын организоватлен.

Тыгак „Серп и молот“, „Новая деревня“, „Восток“ да тулеч моло колхозлаштат шошо агалан виян ямдылалтыт. „Серп и молот“ колхозын членже комсомолец Соколов йолташ инвентарыым ремонттироватлымаште активно участвоватла.

Кызыт мемнан район шошо агалан ямдылалташ республикыште ик ончыл верым налын шога. Тиде первенство верч ончыкшат ме уло виян дене кучедалына да шошо агам успешно завершитлымашке чыла вийым мобилизоватлена.

А. Алатырев,

Куженерский район вуйлатышыже.

## АКТИВНО ПОЛШАТ

Партий ден правительством общественный животноводством развиватлымашке кугу вниманийым ойырат. ВКП(б) ЦК ден СССР Совнаркомын „Общественный колхозный животноводством развиватлыме нерген“ пунчалыш деч вара Косолаповский районысо партийный ден советский организаций да колхоз шамыч

районышто эн ончык комплектоватлен шуктымо. Тений СТФ-ыште 226 ссна игым ончен куштымо (тиде 98 процентым составитла). Посна свинарка-шамыч фермыште пашам сайын ыштат. Свинарка Мошкова йолташ ссна-шамычым сай ончышаш верч, шуко ссна на игым налмаш верч кучедалеш. Тудо каже ава ссна деч 16,3 деловой ссна игым, а кок ава ссна деч 23 ссна иге гыч налын. Чылаже тиде колхозышто 6 ферма уло.

„Товарищ“, „Звезда“ колхоз-шамыч пеленсе комсомольский организациыла-се комсомолец-шамыч ферма-шамычым комплектоватлымаште активно полшат. Комсомолец Мельников йолташ колхозный погынымашеш шкенжын ик ут шорыкшым колхозлаш первый ужалыш. Тудын примерже почеш моло колхозник-шамычат ужалышт. Тыге ыштыме дене колхозлаште ферма-шамычым турс комплектоватлен шуктымо.

Животноводством развиватлыме планым темышаш верч кучедалмаште турло мерым ыштен толмылан ко-ра район мучко тукан шолдра вольк дене планым—100,1 процентлан, ссна дене—104 процентлан да шорык дене—158 процентлан темыме. Тиде за-дачым шуктымаште посна комсомольский организаци-шамыч кугун полшышт.

П. И. Николаев,

Косолаповский район зоотехникше.

## СТАХАНОВСКИЙ ШКОЛА ДЕН АГРОКРУЖОКЫН ЗНАЧЕНИЙЫШТ

Стопудовик-шамычын движенийыштым шарымаште Куженерский районысо колхозник-шамыч инициатор лийынт. Нуно шке ончыланышт, каже гектар гыч шудб пуд пырчан шурным налаш задачым шындевтыт. Тиде почетный задачым районысо 60 колхоз утла честь дене шуктен. Кузерак тыгай кукшб урожайым налме? Кукшб лектышан урожайым ял озанлыкын ончыл енге-шамыч шочыктеныт.

Колхозный кадрым тунныктымаш, стахановский звено-шамычым организаватлымаш, колхозышто кугу значенийым иметла. Кодшо телым агротехникым тунемме кружокым, стахановский школа-шамычым районысо ятыр колхозлаште организоватлыме ыле. Кызыт колхозлаште 20 стахановский школа да 15 агрокружок пашам ыштат, колхозник-шамыч занытийыш куанен коштыт.

„Муравей“ колхозын председателже комсомолец Элтеров йолташ колхозышто стахановский школым да агрокружокым организоватлен, занытийым Всесоюзный ял озанлык выставкыште участвоватлыше Лебедев йолташ план почеш эреак эртарат.

„Красный пролетарий“ колхоз ятыр ий готым районышто шенгелан кодшо колхоз ыле. Тений кол-

хозник-шамыч коклаште агротехникым тунеммашым да ял озанлык пашан ончыл енге-шамычын чапле опытышт нерген умылта-



рымашым сайын организаватлымылан, трудым правильно организоватлымылан ко-ра колхозым ончыл радамашке лукмо.

Тений „Восход“ колхозын колхозникше, стопудовик шамыч движенийын инициаторжо Липатников йолташ 300 пуд киндым, 250 пуд парентым да 1.300 тенге оксам ыштен налын.

Мемнан задача: каже колхозлаште стахановский школым да агрокружокым организоватлаш, а комсомольский организаци-шамыч тиде пашаште инициатор лийшаш улыт.

М. Кокорин,

Куженерский район главный агрономжо.

## Удобренийым кызытак ямдылаш тунгалман

Сталинский 8 миллиард пуд киядым налмаш верч кучедалмаште моло агромероприятий-шамыч дене пырля удобрений ик тун верым налын шога.

Мемнан районысо колхоз-шамыч таче кечылан 80 тонн минеральный удобренийым да 350 тонн торфым шупшыктеныт. Посна колхоз-шамыч удобренийым ямдылымаште сай примерым ончыктат.

Орденонесный „Смена“ колхозын правленийже минеральный удобренийым турс ямдылен, кукшб ерыште арала. Каже колхозник-шамычлан терысым погаш планым пуэн, а тиде плавым темаш каже колхозник-шамыч тыршат. Эше тидым каласаш кулеш, „Смена“ колхоз кок агромероприятийым иканаште ыштен толеш. Тудо лумын кучен кодашлан торфым пасушко шыжымак луктын орален-орален кода. Тиде колхоз пасум кенжежым велз огыл, а тельмат шемым куча.

Мыйын тыгай канаш—агротехнический мероприятий-шамычым чын кучылташ да каже колхозникын вниманийжым агроправи-лым тичмашын шуктен толмашке вкитараш. Тунам ме нигунамсе деч кукшб урожайым налына.

А. Фирсов,

Горво-Марийский район главный агрономжо.



## ИНОСТРАННЫЙ ТЕЛЕГРАММА-ШАМЫЧ

## Англо-германский война

## Германский увертарымаш-шамыч

Берлин, 29 ноябрь. (ТАСС). Германский информационный бюро германский армий верховный командованийын тыгай сводкыжым увертара:

„Германский эсминец-шамыч Ла-Маншын запад велже гоч английский сер дек пураш тӱченят. Тидын годым английский эсминец-шамыч дене бой тӱналын. Кок неприятельский эсминцем торпедироватлыме. Моло германский эсминец-шамыч Английын южный серже дене 9 тӱжем да 3 тӱжем тонн водоизмещения кок пароходым да кугу огыл кок судным вӱд йымак волтен колтенят.

28 ноябрь вашеш йӱдым да 28 ноябрь кече мучко Германский авиаций Лондоннын военный шотышто

важный объектлашкыже умбакыжат нелет-шамычым ыштен шоген. Адакат кугу пожар да пеш виан пудешталтмаш-шамыч лиеденят.

28 ноябрь вашеш йӱдым германский авиаций Плимут олам да тиде олесе портовый сооружений-шамычым атакватлен, тидын годым виан пудешталтмаш-шамыч лиеденят. Тыгак Шотландийште ик кугу олан кӱртӱб корно сооруженийже да промышленный предприятийже-шамычым успешно бомбардироватлыме.

Тенгече полевой ден морской артиллерийын мӱндыркӱ лӱен кертше батареяшты Дувр районшто неприятельский судно-шамычым да моло объект-шамычым луйкаленят.

## Английский увертарымаш-шамыч

Лондон, 29 ноябрь. (ТАСС). Официально тыге увертаралтеш: тенгече йӱдым германский самолет-шамыч Мерсей эмер ан районм да Северо-Западысе Английысе олам пеш чот бомбардироватленят. Мерсей эмер районшто кугу пожар-шамыч лиеденят. Шуко порт шалане да локтылалтын. Тыгак Английын южный ужашысе шуко пунктлаште бомба-шамычым кудалтыме ыле. Бомбардироватлыме дене материальный энгек да колымаш ден сусыргымаш шуко лийын огыл.

Кастен Кент графство умбаке да Темза эмер ан умбаке шуко гана германский самолет-истребитель да бомбардировщик-шамыч толын лектеденят. Самолет-шамыч икмынар бом-

бым кудалтенят. Кент графствысе ик олаште ятыр здавий локтылалтын. Колышо ден сусыргыш лийын огыл. Кече мучко 5 неприятельский истребительным волтен шумо. Английский авиаций 6 самолетым йомдарен.

Рейтер агентство увертара: английский самолет шамычын кугу соединенийшт Дюссельдорф ден Мангейм бомбардироватленят. Бомбардироватлымышын тӱн объектше газовый завод, коммуникаций да военный предприятий-шамыч лийынят. Тиде ч посна, Германийын ик балтийский портыштыжо улшо нефтехранилище шамычым, тыгак Антверпен, Булов да Гавр порт-шамычым бомбардироватлыме.

## Итальянский увертарымаш-шамыч

Рим, 29 ноябрь. (ТАСС). Стефани агентство увертара: Сардиния дене тенгыште кредалмаш годым ик английский крейсера бортыштыжо кок итальянский снаряд пудештын. Крейсер гыч луйкалымаш гыч пален налме: кок башня луйкалымаш чарненят ыле. Крейсер пеш эркен каяш тӱналын да тудын кормаже почти вӱд йымак каен.

Неприятельский самолет-шамыч эскадра „Викторио Ването“ итальянский линкор умбак 7 торпедым кудалтен, но линкор маневрироватлымыже дене пораженыйш логалын огыл.

## ФИНЛЯНДИЙЫН ПРЕЗИДЕНТШЕ КАЛЛИОН ОТСТАВКЫШ ЛЕКМЫЖЕ

Хельсинки, 28 ноябрь. (ТАСС). Финляндский телеграфный агентство увертара: „Шуко тылзе дене черлекийше республикын президентше Каллио отставкаш лектын. Правительство Каллио отставкажым приематлен.

Сеймлан ончаш пуалташ законопроект почеш,

исключительный обстоятельстволан лийын, 1937 ийыште президентш сайлыме шотышто выборщик-шамычын мандатышт шу-йымо лиеш, да выборщик-шамыч у президентш сайлашлан погынат. У президент Каллио полномочий срокшо пытымешке пашам ыштен шогаш тӱналеш.

## ФИЗКУЛЬТУРА ДЕН СПОРТ



## Ечим йӱраташ, ече дене коштын мошташ

Гражданский война жапыште, кодыш ий финский белогвардейщина ваштареш кучедалмаште красноармейский лыжный отряд шамыч командованийын боевой заданийже - шамычым шуктымаште пеш кугу да посна участкылаште решатлыше успехым иктеленят. Лыжный спортн значенийже пугырак кугу. Садланак мемнан партий ден Советский государство лыжный спортом Йошкар Армийын боецше, командирже да политпашаенгеш-шамыч коклаште велз огыл, тугак мемнан элын чыла молодежшо коклаште кӱлеш кӱкшытыш шындаш требоватлат.

Партий ден правительствын тиде требованыйыштым практически шуктымаште комсомольский организаций ден чыла комсомолец-шамыч ик эн активный организатор лийшаш улыт. Комсомолец-шамыч, чыла несоюзный молодежы ече дене кечывал да йӱд условийыште кеч могай корно денат коштын мошташ тунемшаш улыт.

Комсомолец - шамыч да несоюзный молодежы, ечим йӱраташ, ече дене кажне кечын коштса, коллективный походым организоватлыза.

## Оборонный значкист-шамыч

Оршанка. Тений „1 май“ колхозышто ПВХО значкистым 34 еным, „Будь готов к ПВХО“ значкистым 13 еным ямдылыме. Колхоз пеленсе осовнахимовский организацийн командыже октябрьыште эртыше районный химический соревнованийыште первый верыш лекте. „Упшо марий“ колхозышто ПВХО значоклан нормым 8 ег сдатлен да кызыт 19 ег сдатлаш ямдылалтеш. Осовнахимовский организацийн председателже комсомолец В. Ятманов йолташ оборонный значкист-шамычым ямдылыме пашашке поснак кугу вниманийым ойыра, практически полша.

Великопольский средний школышто ПВХО значоклан нормым сдатлаш 50 ег ямдылалтыт.

З. Волкова,

ВЛКСМ Оршанский райком секретарь.

## Физкультура пашам огыт акле

Пытаргыш жагыште Пединститутышто физкультурный паша чылг шулен. Вашке теле спортивный сезон тӱналеш. А Пединститутысо лыжник ден конькобежец-шамычлан коллективный тренировкам организаватлыме огыл. Гимнаст-шамыч ятыр улыт гынат, физкультура дене преподаватель Н. П. Софронов йолташ удрамаш гимнастический группышто велз ик занятием эртарен, а пор-ен-шамыч брыжеш кодыныт. Институтысо физкультурный коллектив ден „Учитель“ общество теле сезонлан ямде огытыл. Сай ече уке, „Учитель“ общество физкультурник-шамычлан шкаланыш спортивный узгарым налаш йоным ыштен огыл. Институтышто физкультурный зал лумжылан велз: тушто оборудований пеш шагал, шукужо пудыргылын. Спортзалан узгар налаш ойырым

оксам дирекций вес пашалан кучылтын, а профсоюзный организацийн ойырым оксам профком член-шамыч (Прозоров, Журавлев) шке кулешыштан кучылтыныт.

Ни дирекций могырым, ни первичный комсомольский организаций могырым военно-физкультурный паша дене конкретный вуйлатымаш уке. Комсомольский комитет член-шамыч кокла гыч иктат кружковый пашаште ок участвоватле.

Марпединститутышто физкультурный пашам виандашлан дирекций ден комсомольский организаций велым конкретный вуйлатымаш кӱлеш. Тиде пашашке студент-шамыч кокла гыч чыла физкультурник-шамычым мобилизоватлен велз институтысо физкультурный коллектив ончык лектын кертеш.

Путилова, Рогожникова, Абакумова, Бусыгина, Ершова.



Марпединститутысо физкультурник-шамыч теле сезоным тыге вашлийат...

## Военно-физкультурый соревнованийлан ямдылалтмаш

Елабал (телефон дене). Районысо школьник-шамычын военно-физкультурный соревнованийым эртараш ВЛКСМ райком оргкомитетым организоватлыш. Оргкомитет 30 ноябрьыште военно-физкультурный ру-

ководитель-шамыч дене совещанийыште школьник-шамычын военно-физкультурный соревнованийым эртарыме нерген положением обсуждатлыме.

Н. Макаров, ВЛКСМ райком секретарь.

## Комсомолыш пурат

Ронга. Шогальский средний школа пеленсе комсомольский организаций шу-керте огыл шке радамышкыже 4 еным угыч пуртыш. Нунын кокла гыч 8-ше классын отличникше, учком член П. Кукин ден 9-ше

классын ударникше, классный организатор Г. Мамаев общественный пашаште эн активный улыт.

Д. Кукин.

Отв. редактор — И. М. САЙТИЕВ.